



Ի ՏԵՐ ՀԱՆԳՅԱԿ

ԳԵՐԱՇՆՈՐՀ Տ. ՇԱԽԵ ԱՐՔԵԱԽԻՍԿՈՊՈՍ ԱՃԵՄՅԱՆԸ

Հուլիսի 13-ին, կյանքի 79-րդ տարում, երկարատև ծանր հիվանդությունից հետո, վախճանվեց Մայր Աթոռ Սուրբ Էջմիածնի երիցագույն միաբան, Երևանի Պետական Համալսարանի Աստվածաբանության ֆակուլտետի դեկան Գերաշնորհ Տ. Շախե արքեպիսկոպոս Աճեմյանը:

Գերաշնորհ Տ. Շախե արքեպիսկոպոս Աճեմյանը ծնվել է 1926 թ. Հալեպ քաղաքում: Նախնական կրթությունն ստացել է տեղի Հայկազյան վարժարանում և այնուհետև, 1937-1939 թթ., Մխիթարյան հայրերի վարժարանում:

1939-1943 թթ. հաճախել է Հալեպի Ֆրերների դպրոց, որի ընթացքը փայլուն հաջողությամբ ավարտելով՝ նույն տարին ընդունվել է Անթիլիասի Դպրեվանք և ձեռնադրվել սարկավագ:

Ավարտելով Դպրեվանքի ընծայարանի լսարանական բաժինը՝ 1947 թ. կուսակցոն քահանա է ձեռնադրվել հոգելույս Տ. Դերենիկ եպս. Փոլստյանի ձեռամբ:

1947-1950 թթ. հետևել է Բյուսեյի համալսարանի գրականության և փիլիսոփայության դասընթացներին և ավարտելով ստացել գրականության և փիլիսոփայության պատվավորի աստիճան:

Այնուհետև դասավանդել է Անթիլիասի Դպրեվանքում և Բեյրութի Հովակիմյան-Մանուկյան միջնակարգ դպրոցում, իսկ 1952-1956 թթ. եղել է Մեծի Տանն Կիլիկիո Կաթողիկոսության դիվանապետը:

1965-1994 թթ. եղել է Երուսաղեմի Սրբոց Հակոբյանց միաբանության անդամ, ուր վա-
րել է դիվանապետի և կալվածոց տեսչի պաշտոնները: Երկար տարիներ եղել է նաև Ս. Աթո-
ռի նվիրակը Ս. Հարության փաճարի նորոգության հանգանակության գործում:

Գերաշնորհ Տ. Շահե արքեպս. Աճեմյանը աշխատակցել է նաև «Սիոն» ամսագրին՝
կրոնագիտական և պարամպիլիստիայական արժեքավոր ուսումնասիրություններով:

1965 թ. նոյեմբերի 7-ին եպիսկոպոս է ձեռնադրվել՝ ձեռամբ Ն.Ս.Օ.Տ.Տ. Վազգեն Ա Ամե-
նայն Հայոց Կաթողիկոսի:

Աստվածաշնչի հայերեն թարգմանության և կախոնի ուսումնասիրման նպատակով 1982 թ.
Երուսաղեմում հիմնում է Զիթենյաց լեռան Հայ Աստվածաշնչի կենտրոնը:

1975-1985 թթ. լինելով Գերագույն Հոգևոր Խորհրդի անդամ, գործուն մասնակցություն է
ունեցել Հայոց Եկեղեցու, Մայր Աթոռի եկեղեցա-կազմակերպչական, քարոզչական գործու-
նեությանը, ինչպես նաև դասախոսություններով հանդես եկել Գևորգյան Հոգևոր Ճեմա-
րանում և Վազգենյան Դպրանոցում, նպաստել Հայոց Եկեղեցու միջազգային կապերի ընդ-
լայնմանն ու ամրապնդմանը:

1994 թ. Շահե արքեպս. Աճեմյանը տեղափոխվել է Հայրենիք, ուր 1995 թ. Երևանի Պե-
տական Համալսարանի կազմում կյանքի է կոչել Աստվածաբանության Ֆակուլտետը՝ հիմ-
նելով և գլխավորապես աստվածաբանական «Աճեմյան մատենաշարը»:

Շահե Սրբազանը հայտնի է իր գիտական-մանկավարժական գործունեությամբ և հեղի-
նակ է մի շարք աշխատությունների և հոդվածների:

Բազմավաստակ Սրբազան Հոր մահը մեծ կորուստ է Հայաստանյայց Առաքելական
Սուրբ Եկեղեցու և Երևանի Պետական Համալսարանի համար:

«Ցիշապակն արդարոյն օրհնութեամբ եղիցի»:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ

ՆԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅՈՒՆ
ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ